

光緒十四年十二月二十一日

趙繼恭
趙亦煒
校

劉銘傳片

再太常寺少卿臣林維源奉

旨幫辦台北撫墾事務自光緒十二年四月回籍開辦以來墾闢
 新墾荒埔至七萬餘畝業經淡水縣丈量三萬餘畝一律升科其餘俟三年
 後陸續升科所有台北沿山番地種茶開田已無曠土其次皆土瘠山高
 難以招墾查金台生番全行歸化僅騰新竹內山數社負隅
 未服現經臣飭派都司鄭有勤統帶所部隘勇並就近化番
 前往相機剿撫不日可以竣事與墾民同居雜處日久婚姻
 交易乃知人世衣食倫常之樂其嗜殺積習即可潛移默化
 現在中路暨後山一帶曠土尚多亟須招墾非有勤實大員
 督率經始難期實濟林維源忠勤篤實感激圖報台北已辦
 有成效擬懇

180

179

天恩飭派幫辦全台撫墾事務不獨臣得資指臂之助實於全省
 治化有裨是否有當謹附片具

奏伏乞

聖鑒訓示謹

奏

光緒十四年十二月二十一日奉

硃批另有旨欽此

